

# LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 11, redacziun@fmr.ch



## Ina enfin duas uras – cun brasser servelas

En la seria «Cun marena sin senda» preschenta la FMR bellas spassegiadas da stad. Oz vai si Mustér. [Pagina 2](#)



## 40 stallas renovadas en la Val d'Avras

En la Val d'Avras èn 40 stallas vegnidas sanadas da la fundaziun «Avers Ställe». [Pagina 8](#)

FMR FUNDAZIUN  
MEDIAS  
RUMANTSCHAS

südostschweiz

## SURSELVA

### Famiglia, sonorità e simpatia

L'jamna vargada e questa ei il cuors intensiv da romontsch sursilvan ella Casa Sentupada a Glion. Glied da tuttas vegliadegnas e derivonzas emperndan els levels 1 tochen 8. Durent duas jamnas s'approfondan els ella grammatica e sistematica dil romontsch sursilvan. Ils indigens ch'èin savens indifferents enviers lur lungatg-mumma san mo surstar da ton fiug e tschaffèn. La FMR ha vuliu eruir ils motivs che intimeschan d'empernder romontsch. Tuts han simpatia pil quart lungatg naziunal. Tgi ha priu domicil en Surselva, tgi vul empernder d'enconuscher la cultura e tgi s'identificar cullas atgnas ragischs. 25 persunas tradeschan lur motivs. (fmr/abc) [Pagina 4](#)

## ENGIADINA

### Ûn di plain litteratura, poesia e musica



L'autura Romana Ganzoni ho scrit aposta per la «Favella Bella» ün teater musical chi'd ho integro set chanzuns da Curdin Nicolay. [Pagina 9](#)

FOTO MARTIN CAMICHEL

La Chesa Planta Samedan ho organiso in sanda passada la segunda ediziun dal di da litteratura «Favella Bella». Ün program vario chi ho preschanto la litteratura rumantscha in tuot sias variaziuns, ho pissero cha üna tschientina d'interessos e d'interessedas haun chatto lur via a Samedan per ün scambi litterar. Sper diversas discussiuns e la preschantaziun da la nouva Chesa Paterna, ho Romana Ganzoni scrit ün teater musical aposta per la Favella Bella. Cun intretscher set chanzuns da Curdin Nicolay, ho l'autura da Schlarigna creo ün töch musical divertent, chi maina il circus a Samedan. Punct da partenza dal di litterar d'eira però l'inauguraziun d'ün nouv giardin poetic güst sper la Chesa Planta. Quel ho il magister pensiuno, poet e giardinier paschiuno, Alfons Clalüna, transfurmo daspö l'an passo d'ün üert sulvedi in ün'oasa plain fluors e culuors. In ün discuors cun la FMR ho il «giardinier patriziel» da la Chesa Planta Samedan quinto davart sia relaziun cun la natüra e sieu cumbat culs charduns. (fmr/cam) [Pagina 9](#)

## GRISCHUN

### Cun il schefmedi a Paris

Hanspeter Betschart fa sia premiera sco schefmedi per la delegaziun svizra als gieus olimpics a Paris. Malgrà l'aua malnetta da la Seine, il team saja preparà. «Ins sa che magun e begl pon esser sensibels. Perquai avain nus empruvà da preparar la flora en quels organs optimalmain», declera Hanspeter Betschart. Cun sia vasta experienscha ha el gia instradà mesiras per proteger ils atlets. El spera sin in success svizzer malgrà las numerosas sfidas. (cdm/fmr) [Pagina 2](#)



Servetsch d'abunents e da  
distribuziun: tel. 0844 226 226  
mail: abo@somedia.ch



FOTO MAD

## Dapi 60 onns vegn dau ball'a Rueun

1964 ei l'Uniun sportiva Rueun separticipada l'emprema ga cun in'equipa al campinadi da ballapei. Onns alla liunga ha ella farg quei cun success, ha gudignau il Cup grischun ed ei vegnida promovida ella 3. ligia. Entochen 1996, cura che la squadra ha stuiu vegnir retratga dil campinadi muort munconza da giugadurs. Mo gia diesch onns pli tard ei l'USR returnada el campinadi. La stagiun vegnenta parta l'equipa cun 26 giugadurs el campinadi dalla 5. ligia. Mo avon – sonda, ils 3 d'uost 2024 – festivescha ella il giubileum da 60 onns dapi la fundaziun dall'equipa activa. Nossa foto muossa la squadra igl onn 1968. (fmr/hh) [Pagina 3](#)

## Igls tuns digl luvraduir

An que luvraduir tünan betga me guafens, mobagn ear instrumaints. Tier Schär Gitarren vignan reparadas a biageadas ghitaras. An savunda generaziun à igl giuven Claudio Schär (foto) surpriu la fatschenda da seas geniturs Werner a Cecilia Schär. Fidevel a la lena e el schon sto durànt igl sieus amprendisadi sco scrinari. El vess dantant mai tartgieu c'el surprendi egn'ea la fatschenda Schär Gitarren. Igls geniturs an vivieu avànt ad el, sco'gl e pussevel da viver da quella. Betga me da las reparaziuns da ghitaras, Schär Gitarren oferescha ear curs da biagear sez ghitaras, e-ghitaras ad ukulelas. A quegl tut an la Val Schons, ad Andeer. (fmr/ste) [Pagina 6](#)



FOTO STEFANIE ELSA